

尚書今古文注疏

立政第廿四 周書十五 尙書今古文注疏卷廿四

賜進士及第授通奉大夫山東督糧道加二級孫星衍撰

注史遷說周之官政未次序於是周公作周官官別其

宜作立政以便百姓百姓說

疏史公說見魯世家云以便百姓者便猶辨也百

姓百官也
見堯典疏

周公若曰拜手稽首告嗣天子王矣

疏史記周本紀云周公行政七年

成王長周公反政成王北面就羣臣之位魯世家云成王長能聽政於是周公乃還政於成王成王臨朝又云北面就臣位鞠躬如畏然是用咸戒于王曰王左右常說此經拜手稽首之義也

伯**注**伯一作攸常任準人

注準一作辟綴衣虎賁

疏咸

釋詁云皆也史說言周公就羣臣之位故與羣臣皆令
戒於王常伯者文選藉田賦注引應劭漢官儀云侍中
周成王常伯任侍中殿下稱制則常伯於漢爲侍中百
官表侍中中常侍皆加官無員多至數十人得入禁中
注應劭曰入侍天子故曰侍中古文苑載胡廣侍中箴
云亦惟先正克愼左右常伯常任實爲政首據此則常
任亦爲侍中之職準人江氏聲云卽下文文武時之準
夫所謂宅乃準也準者說文云平也从水又云灋平也
平之如水莊子內篇人間世云平者水停之盛也其可
以爲法也準字熹平石經作辟辟亦法也下文言勿誤
于庶獄又稱司寇蘇公則準人卽主治獄之官也綴衣
不見於周官顧命云狄設黼屨綴衣則綴衣是主衣服
之官揚雄雍州牧箴班固西都賦崔瑗北軍中候箴皆
作贊衣疑以綴衣名官是侍帷幄之臣後漢百官志內
者令一人六百石本注曰掌中布張諸衣物疑卽此官
皆近臣也虎賁者周禮夏官之屬虎賁氏下大夫二人
舍則守王閑王在國則守王宮亦近臣僞傳以常伯常
任爲常所長事常所委任謂三公六卿非也伯說文作

故云述也引周書曰常敘常任此孔壁古文述之訓蓋
字詁非經義也王氏鳴盛以述爲追近之義或然準熹
平石經作辟下闕蓋周公曰嗚呼休茲知恤鮮哉

疏 詁

作辟人謂法官也

云休美也恤憂也鮮罕也
言美此近臣知憂者少也

古之人迪惟有夏乃有室大

大競籲俊尊上帝迪知忱恂于九德之行

疏

迪者釋詁云道也有

室猶云有家謂卿大夫也競者釋言云彊也詩烈文云
無競惟人傳云競彊箋云人君爲政無彊于得賢人者
籲者說文云呼也俊者釋言云髦也忱者詩傳云誠也
恂者釋詁云信也九德舉陶謨云亦行有九德言古之
人有道者惟夏王時其巨室多賢其君召呼賢俊以尊
事上帝以道知人誠信于九德之行畢氏以田云二迪
字當訓爲適迪卽由字由適也亦語詞釋詁適由
皆訓自迪惟有夏猶云適惟有夏也下迪知同乃敢
告厥后曰拜手稽首后矣曰宅乃事宅乃牧

注

鄭康成

日殷之州牧曰伯虞夏及周曰牧宅乃準茲惟后矣謀

面用丕訓德注謀面一作亂謀面則乃宅人茲乃三宅

無義民疏

宅者釋言云居也亦與度通事謂三事大夫詩十月之交擇三有事傳云有事國之三卿

謀面者周書官人解有考言觀色訓與順通丕大也義民王氏念孫云邪民說文俄行頃也廣雅釋詁云俄衰也學記蛾子時術之卽蟻子也古字俄義同聲言既誠信所知之人有九德之行乃敢拜手稽首以告其君曰居乃職事之人居乃作牧之人居乃平法之人茲乃在我后矣察其言觀其色用大順德之人乃以官居人此乃職事作牧平法之人皆無邪民矣鄭注見書疏云殷之州牧曰伯虞夏及周曰牧者曲禮云九州之長曰牧王制云千里之外設方伯八州之伯曰虎通封公侯篇云州伯何謂也伯長也唐虞謂之牧者曰尚質使大夫往來牧諸侯是也謀面熹平石經作亂

謀面言臣治其謀猷君而用大訓德也

桀德惟乃弗

作往任是惟暴德罔後

疏

任者韋昭注周語云職也暴者說文云疾也罔無也築之

爲德惟乃弗爲往昔先王任人之道是惟暴虐爲德不顧其後

亦越成湯陟丕釐上帝

之耿命乃用三有宅克卽宅曰三有俊克卽俊嚴惟丕

式克用三宅三俊其在商邑用協于厥邑其在四方用

丕式見德

疏

越同粵釋詁云于也不語詞陟同勅皋陶謨勅天之命史記作陟釐者詩箋云理也

耿者說文引杜林說光也三宅江氏聲云事牧準也卽者詩傳云就也三俊卽三英詩羔裘云三英粲兮傳云三英之德也箋云三德剛克柔克正直也式者釋言云用也協者釋詁云和也言亦于成湯能勅理天之光命乃用事牧準三宅之官能就其所居之位言稱職舉三德之俊能就其俊德言不失實惟嚴以用人能用三宅三俊其在京邑以和于其邑

嗚呼其在受德敷

注

馬融

曰受德受所爲德也散一作恣

疏

受德者周書克殷解云殷末孫受德孔晁

注云紂字受德呂氏春秋當務篇云紂之同母三人長日微子啓其次曰中衍其次曰受德受德乃紂也散者釋詁云強也馬注見釋文以受德爲受所爲德者西伯戡黎序云奔告于受是紂亦單稱受上文言桀德則此受德亦可言受之德也散說文作恣云疆也周書曰在受德恣讀若旻惟羞刑暴德之人

同于厥邦乃惟庶習逸德之人同于厥政

疏

羞者釋詁云進也暴

者說文云疾也庶者釋詁云衆也習者釋詁云狎習也習亦爲狎逸者漢書韋賢傳注臣瓚曰放也言惟進用刑殺暴虐爲德之人與之治國乃帝欽罰之乃伴我有惟衆狎習放蕩之人與之謀政也夏式商受命奄甸萬姓

疏

欽與厥通釋詁云興也伴與

云中國之人也式者釋言云用也奄者說文云大有餘也甸者詩傳云治也言天興罰紂罪乃使我有中國之

人用受商之大命大治萬民亦越文王武王克知三有宅心灼見三

有俊心注灼一作焯俊一作會以敬事上帝立民長伯

疏灼者廣雅釋訓云灼灼明也伯者釋詁云長也言亦至于文王武王能知事收準人之心明見三德俊士

之心以敬事上天立明長上灼說文作焯云明也引周書焯見三有俊心俊熹平石經作會今文與古文異也

釋詁云會合也言明見三宅之合于心者始用之立政任人準夫牧作三事虎

賁綴衣趣馬小尹左右攜僕百司庶府大都小伯藝人

表臣百司大史尹伯庶常吉士司徒司馬司空亞旅疏

立政任人言文武立政以任人也準夫牧作三事卽上文宅乃事宅乃牧宅乃準之倒文三事見詩十月之交

云三事大夫箋云三公此似總下衆官大小言之也虎賁綴衣見前疏孟子盡心篇趙注引書云虎賁贅衣趣

馬小尹趣馬見詩雲漢傳云歲凶年穀不登則趣馬不秣江氏聲云虎賁趣馬于周禮爲校人屬馬一十二匹立趣馬一人掌贊正良馬而齊其飲食小尹卽圉師之類趣馬卽下士馬一匹有圉師一人也左右攜僕蓋若周禮太僕射人也鄭注周禮射人云射人與僕人俱掌王之朝位也檀弓曰扶君卜人師扶右射人師扶左注云卜當爲僕聲之誤也僕人射人皆平生時贊正君服位者然則此文左右攜僕正當彼二官之職也毛氏鳴盛云左右攜持器物之僕謂寺人內小臣等也百司庶府江氏云若曲禮云天子之六府曰司土司木司水司草司器司貨是也周禮則官名言司者尤多府則有太府玉府內府外府泉府天府之屬言百言庶皆凡括諸官之詞也王氏云百官有司之下主券契府藏之吏謂其下賤人非百官有司之身也江氏又云百司兩見者蓋內外臣之別與表臣百司表之言外是外百司也太都小伯者大都邑之小長謂公卿都邑之內大夫及邑宰之屬以身有道藝故云藝人太史者周禮太史下大夫二人掌建邦之六典所掌事重故特言其官名尹伯

長官大夫周禮每官皆有長若太史爲史官之長太司
樂爲樂官之長如此類皆是也庶常吉士王氏云衆掌
常事之善士蓋士爲長官者其大夫及士不爲長官者
則前云百司也司徒司馬司空則周禮六卿之三也曲
禮云天子之五官曰司徒司馬司空司寇鄭注以
爲殷制然則殷紂時天子五官文武時爲諸侯降于天
子故三官亞旅者亞次也謂其副貳官名異於周禮者
蓋稱名之異非設官之名如月令之有太尉大冢緯書
之舜爲太尉不必虞周有此官名也夷微盧烝三亳阪尹注鄭康成曰三

亳者湯舊都之民服文王者分爲三邑其長居險故云

阪尹蓋東成皋南轅轅西降谷也

疏

烝者釋詁云君也微盧見牧誓書疏

云此舉夷微盧以見彭濮等諸夷也鄭注見書疏三亳
者見詩元鳥疏云湯舊都之民服文王者分爲三邑者
亳爲湯都以其時商紂暴虐而服于文王以言三亳故
知分爲三邑也云其長居險故曰阪尹者阪是山陂之

名尹是正長之稱既分亳爲三邑自必各爲立長其長稱阪尹以居峻險處也云東成阜南輶輶西降谷者地理志云成阜故虎牢或曰制春秋左氏隱元年傳云制嚴邑也則成阜險矣國策張儀曰塞輶輶綴氏之輶輶亦險水經穀水注云草澗水出新安縣東南流經母邱興盛墓東又南經甬谷關西關高險陝路出廬郭漢元鼎三年樓船將軍楊僕數有大功恥居關外請以家童七百人築塞徙關于新安卽此處也然則新安之函谷亦險甬降聲相近鄭氏所言降谷必是此也江氏聲云鄭氏以亳邑北臨大河故于其東西南三面推求而以成阜輶輶降谷當三亳阪險之處蓋者以無明文左證故也皇甫謐說三亳以蒙爲北亳穀熟爲南亳偃師爲西亳不可信也

文王惟克厥宅心

注

一無克字宅作度乃克

立茲常事司牧人以克俊有德文王罔攸兼于庶言

疏

常事司牧人最括上文之官任人以下至亞旅也以者說文云用也言文王惟能內度其心乃能立此常事司

牧人以能得俊有德者文王無所兼聽衆言言謂毀譽
之言也漢書季布傳布曰陛下以一人譽召臣一人毀
去臣臣恐天下有識者聞之有以窺陛下是庶言之不
可兼聽也惟克厥宅心熹平石經作維厥度心宅與度
經通用詩皇矣云帝度其庶獄庶愼惟有司之牧夫是
心傳云心能制義曰度

訓用違庶獄庶愼文王罔敢知于茲

疏

訓與順通庶獄

衆當愼之惟責成于有司及牧民之人是順是違凡諸
獄事由衆愼之文王無敢與知于此法者天下之平君
欲知之必有承望意旨以爲輕重者康誥云勿庸以即
汝封又云未其有若汝封之心亦文王不敢與知之義
也庶獄庶愼僞傳以爲衆刑獄衆所當愼之事非也下
文稱蘇公式敬爾由獄又云茲式有愼故知愼卽愼獄
也亦越武王率惟敕功不敢替厥義德率惟謀從容德
以並受此不丕基

注

此一作茲基一作其

疏

率與歌通語詞毛詩

作事牧者鄭注周禮云安也功者詩傳云事也從者鄭注禮記云順也容者廣雅釋詁云寬也言亦于武王事惟安其事不敢廢其義德事惟謀順

嗚呼

注

一作於戲

文王寬容之德以並受此大業也
孺子王矣繼自今我其立政立事準人牧夫我其克灼

知厥若丕乃俾亂相我受民和我庶獄庶慎

疏

若者釋詁云善

也不語詞亂者釋詁云治也言孺子今爲王矣繼自今我其立政當效法文武于立事準人牧夫之三宅我其能明知其善乃使之治政以助我受民以和
我諸獄衆愼之事嗚呼熹平石經作於戲
時則勿有

間之

注

勿一作物自一話一言我則未惟成德之彥以

父我受民

疏

間者說文云隙也末者孔晁注周書云終彥者釋訓云美士爲彥詁者釋詁云言也

說文云會合善言也父與父通釋詁云相也言是旣明知厥善則勿有間之者自一話一言我則終思成德之

美士以相助我受民也論衡用雩篇勿作物云周公爲成王陳立政之言曰時則物有間之自一語一言我則未維成德之彥以又我受民周公立政可謂得矣知非常之物不賑不至故敕成王自一話一言政事無非毋敢變易然則非常之變無妄之氣間而至也水氣間堯旱氣間湯周宣以賢遭遇久旱政無細非旱猶有氣間之聖主知之不改政行轉穀賑贍捐鄧濟耗斯見之審明所以救赴之者得宜也段氏玉裁云此文尙書也詳仲任意於末字絕句末無也謂無非也不鳴呼予旦賑不至當作不賑不去謂去非常之災異也

已受人之微言注

一作旦以前人之微言咸告孺子王

矣疏

微者詩傳云美也受人之微言熹平石經作前人

選注引論語崇爵議曰子夏等六十四人共撰仲尼微言微與熒聲義相近熒言亦美言也

繼自今

文子文孫其勿誤于庶獄庶慎惟正是又之

疏

正治獄之官周

書膏麥解云王命大正正刑書言繼自今守文之子孫其勿誤于諸獄衆慎之事惟大正是治之獄者萬民之命故周公以立政告王獨於庶獄庶慎之事反復致戒篇中又呼司寇蘇公而告之仁厚之至也 自古

商人亦越我周文王立政立事牧夫準人則克宅之克

由繹之茲乃俾乂國疏

由者釋詁云用也繹與敷通說文云終也言自古商王亦于我

周文王其立政也於立政牧夫準人之官則能居得其人能用終其事此乃使之治國也僞孔以國字屬下句非則罔有立政用儉人注馬融曰儉利佞人也不訓于

德注

一無于字是罔顯在厥世注在一作哉繼自今立

政其勿以儉人注

儉一作儉一作恐其惟吉士用勸相

我國家注

國一作邦疏

儉者說文云諛也又有憊字云疾利也訓與順通顯者釋詁云

光也。勦者說文云：勉力也。引周書曰：用勦相我邦家。言商周前人無有立政用諛佞之人者，彼不順于德，是無能光顯于世。繼自今立政，其勿用諛佞之人，其惟善士用，勉助我國家。馬注見釋文云：儉利佞人者，卽說文：憊字，疾利口之借義也。勿以儉人釋文云：儉又作憊，說文又作諛。云問也。引周書曰：勿以諛人問者，字義非經詰也。蓋壁書假借之文，訓于德是罔顯，在厥世。熹平石經作訓德是罔顯哉，厥世。今文：子文孫孺。

子王矣，其勿誤于庶獄，惟有司之牧夫。

疏

言今守文之子孫乃惟孺子王

矣。其勿誤于庶獄，惟有司之牧人，慎擇而專任之。

其克詰爾戎兵。

注

馬融曰：詰

實也。以陟禹之迹，方行天下，至于海表，罔有不服，以覲

文王之耿光。

注

耿一作鮮，以揚武王之大烈。嗚呼，繼自

今立政，其惟克用常人。

疏

詰者鄭注周禮云：謹也。陟者釋詁云：陞也。方與旁通。說文

云傳也齊語云以方行於天下注云方當作橫觀者釋
詁云見也耿者王逸注楚詞云明也烈者釋詁云業也
常人臯陶謨曰彰厥有常吉哉言能謹汝戎兵以陞禹
之述傳行天下至于海外無有不服以見文王之明光
以揚武王之大業繼自今立政其惟能用有常之人有
常猶有恒也此言得人之效周之九服卽禹弼成之五
服分爲九者故云禹述馬注見釋文云詁實者實
當爲責形相近字之誤也廣雅釋詁云詁責也
若曰太史司寇蘇公式敬爾由獄以長我王國茲式有
慎以列用中罰疏式者釋詁云用也列者服問云等比也注云上附下附列也中者晉語云
平也周公呼太史者以其記言記動嘉蘇公之慎獄平
法欲使書之故先呼之也司寇蘇公者春秋左氏成十
一年傳云昔周克商使諸侯撫封蘇忿生以溫爲司寇
是忿生爲武王司寇也言司寇蘇公之法用敬汝用獄
以長我王國之祚此用有慎以其等比用
平罰也江氏聲說以周禮刑平國用中典

立政第廿四終

顧命第廿五上 周書十六 尚書今古文注疏卷廿五

賜進士及第授通奉大夫山東督糧道加三級孫星衍撰

注

史遷說成王將崩懼太子釗之不任乃命召公畢公

率諸侯以相太子而立之成王既崩二公率諸侯以太子釗見於先王廟申告以文王武王之所以爲王業之不易務在節儉毋多欲以篤信臨之作顧命馬融曰成王將崩顧念康王命召公畢公率諸侯輔相之鄭康成曰臨終出命故謂之顧命將去之意也迴首日顧

疏

史公

說見周本紀云二公者召公畢公也云見於先王廟者經文有云逆子釗于南門之外南門廟門又云諸侯出

廟門俟也云毋多欲者卽經文所云冒貢非幾也馬注見釋文鄭注見史記集解及書疏云臨終出命者細末云葉公之顧命曰注云臨死遺書曰顧命云迴首日顧者詩匪風箋同義

惟四月哉生魄注鄭康成曰此成王二十八年居攝六

年爲年端魄一作霸

疏

漢書律歷志云三統成王元年正月乙巳朔此命伯禽俾侯于

魯之歲也後三十年四月庚戌朔十五日甲子哉生霸故顧命曰惟四月哉生霸云云是謂成王卽位三十年而崩也案成王在位年數史記無文劉歆說以哉生霸爲十五日亦不可信鄭注見書疏及詩烈文疏云此成王二十八年者竹書紀年云成王三十七年陟是以武王崩之明年爲成王元年統周公居東二年攝政七年凡九年故三十七年除此九年則爲二十八年與鄭合也竹書後出或卽用鄭義云居攝六年爲年端者王氏鳴盛云詩疏引此注不全當讀其下云至此三十年文義乃備也知者鄭於康王之誥注云周公居攝六年制

禮樂至此三十年居攝終於七年加二十八年故三十年也鄭具言此者鄭注金縢據大戴禮武王崩成王年十歲二年喪畢年十三管蔡流言周公避居東二年成風雷迎公歸時成王年十五卽居攝元年五年營成周六年制禮七年致政明年成王卽政年二十二卽政二十八年崩年四十五也案賈誼新書修政篇云周成王年二十歲卽位享國親以身見於粥子之家而問焉與此推爲年二十二又不同

王不懌注馬

融作不釋曰疾不解也一作不豫

疏

懌俗字詩傳云懌說詩靜女云說懌

女美箋云說懌當作說釋是懌亦當从采也馬注見釋文云疾不解者說文云釋解也歷律志引顧命曰王有疾不豫是今文作甲子王乃洮頽水注馬融曰洮洮髮

豫不豫見金縢疏

也頽頽面也鄭康成讀洮爲濯說澣衣成事頽一作洮

一作頽

疏

洮頽歷律志引作洮洮案頽俗字當爲頽或洮見說文漢書禮樂志注晉灼曰洮古頽字

司馬遷傳集注云頽古沫字實則頽頽皆頽別字也馬
注見釋文云洮洮髮者一切經音義七引通俗文浙米
謂之洮洮爾雅釋文引釋訓注洮猶浙也玉藻云日五
盥沐稷而饋梁洮是浙米或當爲沐稷故以洮髮爲說
也頽頽面者說文云沫洒面也又作頽云古文沫从頁
鄭注見吳志虞翻傳注以洮爲濯者周禮守祧注古文
祧爲濯是兆與翟可通用也云澣衣成事者王旣病困
欲顧命羣臣恐有不絜又不便更衣澣濯其汗才被冕
服以成事耳虞翻駁之旣非或疑鄭以濯釋洮頽二字
尤失之矣段氏玉裁疑說文古文作頽以今本作頽爲
誤字

相被冕服憑玉几

注

鄭康成曰相者正王服位之臣

爲太僕冕元冕憑一作凭

疏

相謂大保芮伯畢公等也周禮司几筵注鄭司農云

書顧命曰成王將崩命大保芮伯畢公等被冕服憑玉
几是先鄭以相爲大保等也此或今文說與後鄭異憑
當作馮俗又加心卽凭假借字說文云凭依几也从任
几周書曰凭玉几讀若馮鄭注見書疏云相者正王服

位之臣謂大僕者周禮夏官太僕職云掌正王之服位又檀弓云扶君卜人師扶右注云謂君疾時也卜當爲僕聲之誤也僕人射人皆平生時贊正君服位者故以此相爲相導之相爲太僕也云冕元冕者周禮司服職冕服有六元冕爲下皆祭服也覲禮云天子衮冕者以受諸侯朝覲于廟中故服冕服之尊者比尋常視朝當加一等則是元冕矣中論法象篇云顛沛而不亂者成王其人也將崩體被冕服然後發顧命是說此經之義也乃同大保奭芮伯彤伯畢公衛侯毛公師氏虎臣百

尹御事

鄭

康成曰公兼官以六卿爲正次芮伯入爲

宗伯畢公入爲司馬

疏

同謂同名羣臣受顧命也大保奭卽召公論衡氣壽篇云武王

九十三而崩周公武王之弟也兄弟相差不過十年武王崩周公居攝七年復政退老出入百歲矣召公周公之兄也至康王之時尚爲太保出入百有餘歲矣芮伯者詩桑柔序云芮伯畿內諸侯王卿士當卽此芮伯子

孫彤伯未有見路史國名紀五云彤伯爵成王子唐韻
作彤云成王支庶書疏引王肅云姒姓之國肅蓋據夏
本紀禹後有彤城氏言之未必是此彤伯也畢公衛侯
毛公者鄭注周禮大宰職云都鄙公卿大夫之采邑王
子弟所食邑周召毛聃畢原之屬在畿內者則畢毛皆
畿內諸侯也春秋左氏僖廿四年傳云管祭邠霍魯衛
毛聃邠雍曹滕畢原鄭邠文之昭也則畢毛衛皆文王
子也師氏見周禮地官有師氏中大夫一人其職云掌
以媯詔王是也虎臣卽虎賁氏周禮夏官有虎賁氏下
大夫二人其職云舍則守王閑王在國則守王宮國有
大故則守王門大喪亦如之百尹御事者釋言云尹正
也謂衆正之官主事者古今人表第三等有芮伯師伯
毛公師氏龍臣師古曰師伯尙書作彤伯龍臣尙書作
武臣師伯龍臣當是今文尙書也唐人諱虎爲武然則
班氏以師氏龍臣爲人名非官名也鄭注見詩淇澳序
疏及桑柔疏云公兼官以六卿爲正次者六卿分職法
天地四時自虞夏至周皆同此將傳顧命所召六人自
周公卿也召公稱太保畢毛稱公自是三公大傅天子

三公司徒公馬公司空公鄭注云周禮天子六卿與太宰司徒同職者謂之司徒公與宗伯司馬同職者謂之司馬公與司空同職者謂之司空公一公兼二卿舉下以爲稱鄭注君奭序荅趙商問皆謂三公兼師保則得師保之稱今此經六人中有三人爲三公自是以三公兼六卿者故云公兼官而又云以六卿爲正次者三公之次首太師次太傅次太保今乃以太保居首自是依周禮天官冢宰地官司徒春官宗伯夏官司馬秋官司寇冬官司空之次不依三公之次且康叔爲司寇卽此衛侯適居第五司寇之次故云以六卿爲重次也蓋三公官不備有其人則設無則闕惟六卿爲實職故坐而論道之時則首太師次太傅次太保及作而行之之時不妨太保居首太師太傅反居其後然則召公以冢宰兼太保畢毛二人未知誰爲師誰爲傅也太保旣是冢宰以次則芮伯是司徒當若僞傳所說卽鄭亦自言以六卿爲次今乃以芮伯入爲宗伯鄭必別有據也云入者蓋衛是畿外諸侯召芮彤畢毛亦俱是畿內諸侯而皆爲王朝公卿故言入淇澳詩序衛武公入相

于周國語鄭桓公爲周司徒左傳鄭武公莊公爲平王卿士自古有此制也

王曰嗚呼疾大

漸惟幾病日臻既彌留恐不獲誓言嗣茲予審訓命汝

疏

漸者列子力命篇云季梁得疾七日大漸殷敬順釋文云漸劇也案劇卽劇字釋詁云幾危也臻至也病

者說文云疾加也彌者釋言云終也說文正作彌誓者釋言云謹也審者說文云詳審議也審亦爲詳王自歎疾大劇惟危病至日加既命當終而淹留之際恐不得謹告于後嗣此予詳訓教令汝

昔君文王

武王宣重光

注

馬融曰重光日月星也大極上元十一

月朔旦冬至日月如疊璧五星如連珠故曰重光

疏

宣

詩淇澳釋文引韓詩云顯也重光者易離卦彖詞云日月麗乎天又曰重明以麗乎中正乃化成天下言文武化成之德比于日月也又文王武王時有此瑞應也周禮大宗伯疏引元命包云文王之時五星以聚房也御

覽三百卅九引桓譚新論云二年甲子日日月若連璧
五星若連珠昧爽武王至于商郊牧野見其事也馬注
見釋文云日月星者是謂日月及金木水火土五星也
云大極上元十一月朔旦冬至云云者律歷志云淳于
陵渠復覆太初歷晦朔弦望皆最密日月如合璧五星
如聯珠注孟康云謂太初上元甲子夜半朔旦冬至時
七曜皆會斗牽牛分度夜盡如合璧聯珠也案大極卽
大初此所謂歷元也劉昭注續漢律歷志引韓子曰四
千五百六十歲爲一章四章爲一部部七十六歲二十部爲一
法十九歲爲一章四章爲一部部七十六歲二十部爲一
遂遂千五百二十歲三遂爲一首首四千五百六十歲
七首爲一極極三萬一千九百二十歲生數皆終萬物
復始天以更元作紀
歷馬注殆謂此也

莫麗陳教則肄肄不違用克達殷

集大命

注

達一作通集一作就

疏

莫麗者莫麗者莫定見禹貢
疏麗者詩傳云數也

說文作嚴周語伶州鳩曰昔武王伐殷歲在鶉火月在天
駟日在析木之津辰在斗柄星在天綱星與日辰之

位皆在北維又云王欲合是五位三所而用之又云王以黃鐘之下宮布戎于牧之野故謂之厲所以厲六師是以日月星定七律之數也故云莫麗陳教則肄者言布陳教民習兵卽所謂布戎厲六師也顏氏家訓書證篇引太公六韜有天陳地陳人陳靈鳥之陳是陳爲戰陳也肄者說文云習也正作肄漢書義縱傳注李奇曰閱也霍光傳云光出都肄郎注孟康曰肄習也師古曰謂總閱試習武備也達者鄭注考工記云猶至也言文武既有日月重光之瑞定律歷之數列陳以教民習武伐商習之者不違教令前歌後舞用能至商以就大命也熹平石經作通殷就大命達作通在後之侗注馬融者說文云達通也集作就者詩傳文

作調曰共也後一作夏后敬迓天威嗣守文武大訓無

敢昏逾疏

說文云調共也周書曰在夏后之調則此經文脫夏字後當作后也夏者說文云中國之

人也后者說文云繼體君也言在中夏皆後君之共職也徐鉉本說文及玉海藝文志考引俱作夏后徐鉉本

及韻會舉要引在后之詞誤也迂當爲訝釋詁云迎也昏與泯通逾者說文云述進也引此文是兩越也言敬迎天之威命繼守文武大教無敢泯弃逾越者馬注見釋文云調其者祭統云設同儿注云同之言調是調卽同與說文訓其義通也今本作侗假借字

今天降疾殆弗興弗悟爾尙明時

朕言用敬保元子釗宏濟于艱難

疏

殆者釋詁云危也興者釋言云起也

悟與寤通詩傳云覺也覺猶知方言云知愈也尙者釋言云庶幾尙也明與孟聲相近釋詁云勉也宏大艱難皆釋詁文濟者釋言云成也言今天下危疾弗起弗愈汝庶幾勉我所言以敬安長子釗大成于艱難也柔遠能邇安勸小大庶邦思夫人自亂于威儀爾無以釗

冒貢于非幾

注

馬融貢作贛曰陷也冒一作勛

疏

柔遠能邇

能而通而如也勸者廣雅釋詁云教也夫者鄭注曲禮云丈夫亂者釋詁云治也威者廣雅釋詁云則也冒者

春秋左氏文十八年傳云冒於貨賄注冒亦貪也貢者廣雅釋言云獻也幾與機通淮南主術訓云治亂之機高誘注云機理言當安遠如邇安教小大衆國思丈夫人人當自治于儀則汝衆國無以釗爲貪而進奉以非法之財賄僞傳以冒貢于非幾爲冒進于非危之事江氏王氏俱無駁今不從之者史記云申告以文王武王之所以爲王業之不易務在節儉毋多欲以篤信臨之此篇惟冒貢非幾爲多欲之義釋文冒一音墨是古說亦有以爲貪墨之義者知史公卽解此文蓋孔安國古文說也馬注見釋文云冒馬鄭作勛貢馬注作贛王氏鳴盛云卽借勛爲冒也贛爲陷者贛从發省聲贛讀若坎坎之義爲陷凡人爲惡或進而冒觸或退而墜陷故作贛則贛召同聲故云贛陷也

茲旣受命還

注旣一

作卽出綴衣于庭

注鄭康成曰連綴小斂大斂之衣于

庭中

疏

茲旣受命還謂羣臣旣受顧命而還退也鄭注見周禮幕人疏云連綴大斂小斂之衣者喪大

記小斂衣十九稱大斂君陳衣于庭百稱故鄭以出綴衣爲陳衣也江氏聲以爲鄭君所云豫凶事王氏鳴盛辨之云王制云六十歲制七十時制八十日制九十日修惟絞紵衾冒死而後制疏云歲制謂棺也不易成故歲制時制一時可辨是衣物難得者月制一月可辨衣物易得者日修棺衣皆畢但日修理之此皆謂大夫以下人君卽位爲禭不待六十成王崩年四十九喪具固宜早辨況疾已危殆斂衣尤不可緩故鄭爲此說也

越翼日乙丑

注

翼一作翌王崩

注

馬融本作成王崩口

安民立政曰成

疏

翼與翌通說文昱明日也律歷志引此作翌亦假音字王崩釋文云馬本

作成王崩曰虎通崩薨篇云書曰成王崩天子稱崩何別尊卑異生死也周禮司几筵及天府注鄭司農皆引此作成王崩是今文古文本有成字作僞傳者刪之也成王蓋生有是稱死而因以爲諡也馬云安民立政曰成者周書太保命仲桓南宮毛俾爰齊侯呂伋以二千謚法解文

戈虎賁百人逆子釗于南門之外

疏太保卽上保奭仲桓南宮毛古今人

表第三等有中桓南宮髦當是今文春秋左氏昭廿三年傳有南宮極注云周卿士廿四年傳有南宮嚚注云極之子疑卽毛後則世爲卿士也傳者釋詁云使也爰者釋文云引也呂伋者齊世家云太公卒子丁公呂伋立說文云齊太公子伋謚曰玃公春秋左氏昭十一年傳楚靈王曰昔我先王熊繹與呂伋王孫牟雙父禽父並事康王釋文云級本亦作伋虎賁氏周禮夏官有虎賁氏下大夫二人虎士八百人注云不言徒曰虎士則虎士徒之選有勇力者又夏官有旅賁氏中士二人其職云喪紀則執戈盾則此言二千戈蓋桓與毛所執卽旅賁氏之官也虎賁百人蓋呂伋從入百人中選用百人也周禮虎賁氏之職大喪守王門虎賁氏秩僅下大夫而齊侯伋爲之者蓋以列侯兼領此職備非常也逆者說文云迎也關東曰逆關西曰迎南門者廟門史記所云二公率諸侯以太子釗見於先王廟是也僞傳云南門路寢門又云臣子皆侍左右將正太子之尊故出于

路門外更就逆門外所以殊之江氏聲駁之以爲子釗以王未疾時奉使而出王之寢疾不過旬日不及召太子以南門爲外朝之阜門似不如史公廟門之說爲長也玉藻疏引左氏舊說及賈逵虞植蔡邕服虔等皆以祖廟與明延入翼室恤宅宗注翼一作翌宅一作度疏

堂爲一延者釋詁云進也翼者詩箋云在旁曰翼釋名云夾室在堂兩頭故曰夾也翼室者左路寢也說苑修文篇云諸侯正寢三一日高寢二曰左路寢三曰右路寢高寢者始封君之寢也二路寢者繼體君之寢也又云然則天子之寢奈何曰亦三承明繼體守文之君之寢曰左右之路寢謂之承明何曰承乎明堂之後者也則翼室卽左路寢也恤者釋詁云憂也宅宗者後漢書班固傳典引云正位宗度注云尚書曰延入翼室恤度宗度居也宗尊也江氏聲云宗者白虎通宗族篇云宗尊也爲先祖主也是宗猶主也憂居爲喪主翼一作翌後漢書袁紹傳注引此文宅一作度見後漢書班固傳丁卯

作冊度

疏

命作冊者以書成王命詞也下文太史秉書由賓階墜御王冊命卽此冊也度者說文云

法制也蓋

謂喪儀

顧命第廿五上終

顧命第廿五下 周書十六 尙書今古文注疏卷廿五

賜進士及第授通奉大夫山東督糧道加三級孫星衍撰

越七日癸酉伯相命士須材注鄭康成曰癸酉蓋大斂

之明日也狄設黼屨綴衣注屨一作衣牖間南嚮敷重

篋席注敷一作布篋一作莫黼純華玉仍几注鄭康成

曰華玉五色玉也馬融曰篋纖簞鄭康成曰不用生時

席新鬼神之事也篋析竹之次青者疏越七日癸酉者

癸酉蓋大斂之明日者曲禮云生與來日死與往日注

云與猶數也生數來日謂成服杖以死明日數也死數

往日謂殯斂以死日數也此士禮貶于大夫者大夫以

上皆以來日數王制云天子七日而殯計王以乙丑崩

辛未爲七日壬申爲八日癸酉爲大斂之明日然則成王以壬申大斂矣伯相者召公以西伯入相初時與周公爲二伯周公旣歿畢公代之下文太保率西方諸侯畢公率東方諸侯是也須者易歸妹虞注云需也材者梓材也檀弓云天子崩虞人致百祀之木可以爲棺梓者斬之疏云百祀者王畿內諸臣采地之祀檀弓又云旣殯旬而布材此則殯之明日卽命士須材者天子七日而殯與諸侯以下不同久之欲其乾腊也狄者祭統云翟者樂吏之賤者也喪大記云狄人設階狄與翟通黼展者釋器云斧謂之黼郭注云黼文畫斧形因名云周禮司几筵職云王位設黼依考工記云白與黑謂之黼展者說文云戶牖之間謂之展謂一戶兩牖之間也明堂位云天子負斧依南鄉而立注云斧依爲斧文屏風於戶牖之間展依通字綴衣蓋卽中庸所云設其裳衣史公何氏休俱以此爲在宗廟也傳云幄帳無文以証之牖者說文云穿壁以木爲交窗也大戴盛德篇說明堂之制一室而有四戶八牖則是每室皆有二牖夾戶故云設黼展牖間謂二牖之間正當北戶以屏風也

諸家說戶牖之間以爲一戶一牖之間失之嚮當爲鄉俗加向周禮司几筵注鄭司農引此作鄉敷者說文引作布是義爲布也蔑俗从竹當爲蔑卽簾假音字說文云簾也簾析竹篾也篾竹膚也篾與蔑聲亦相近馬注見釋文云纖蒻者蒻當爲蒻說文蒻蒲本可以爲平席纖蒻其細者鄭注見禮器疏及書疏云不用生時席新鬼神之事者周禮司几筵職云王位設黼依依前南鄉設莞筵紛純加纁席畫純加次席黼純是王生存時牖間之位設三重席席有異物異純不用篾席今則重席惟用篾席黼純上下不異是不用生時席也舉一反三則下文三席皆非生時席可知此鄭義也云篾析竹之次青者竹之外皮爲青故竹簡有殺青之說青之內爲竹膚卽次青也說文以篾爲竹膚篾聲之緩急義則一也黼屨薰平石經作黼依蔑說文作莫引周書曰布重莫席云莫席纖蒻席也讀與蔑同黼純者釋器云緣謂之純其色白與黑也華玉鄭注見書疏玉五色玉者說文云璚玉英華相帶如瑟弦璚玉英華羅列秩秩是所謂華玉也仍者釋詁云因也仍几者周禮司几筵云

凡吉事變几凶事仍几注鄭司農云變几變更西序東其質謂有飾仍因也因其實謂無飾也引此文

嚮注

鄭康成曰此旦夕聽事之坐數重底席注馬融曰

底青蒲也鄭康成曰底致也箴織致席也綴純文貝仍

几疏

序者釋官云東西牆謂之序西序東嚮鄭注見書疏云此旦夕聽事之坐鄭王亦以爲然知是鄭注

諸家脫之疏云牖間是見羣臣覲諸侯之坐見于周禮東序西嚮養國老饗羣臣之坐者燕禮云坐于阼階上西嚮則養國老及饗與燕禮同其西序之坐在燕饗坐前以其旦夕聽事重于燕飲故西序爲旦夕聽事之坐底席馬注見釋文云青蒲者玉篇有蕘引此文云孔安國曰藹平也本作底書疏云禮注謂蒲席爲藹平考問傳鄭注云平今之蒲平也釋名云蒲平以蒲作之其體平也今本釋名平誤草說文云藹蒲子可以爲平席也御覽引說文下有云世謂蒲平卽馬氏所云青蒲席也說文底同砥馬氏以其名底義爲平故以爲蒲平也鄭

注見書疏云底致者釋詁文致同綴說文云密也云篋
織致席者與馬以爲蒲席義異蓋以上文篋席析竹次
青此底席當亦以竹爲之名曰底者加細致也綴純者
江氏聲云以此上下文與周禮參之則綴純者其績純
周禮司几筵有莞纁次蒲熊五席又有葦席萑席凡七
席而純則惟紛畫黼績四者此經上下文有黼純畫純
紛純與綴純而四則綴純當司几筵之績純矣案大戴
盛德篇云赤綴戶也盧氏注云綴飾也以爲畫飾則與
績同江氏說是也文貝者釋魚說貝之種類有十有云
餘蜺黃白文餘泉白黃文又陸璣疏有紫貝白質如玉
紫點爲文皆東序西嚮敷重豐席畫純注鄭康成曰豐
貝之文者也

席刮漚竹席畫純以雲氣畫之爲緣彫玉仍几

疏

東序西嚮

者文王世子云始之養也適東序釋奠于先老遂設三
老五更之席位焉特牲云祝命徹胙俎豆籩設于東序
下注云胙俎主人之俎設于東序下將私燕也是東序
爲養國老燕羣臣之坐也豐席畫純鄭注見書疏云刮

凍竹席者凍今本誤作東說文刷刮也凍滴也廣雅釋詁云滴洒也蓋以竹爲席加之洒刷也易豐卦六二云豐其蔀鄭注云蔀小席馬融曰蔀小也疑蔀當爲筓字隸書艸竹通用故鄭知竹席也云畫純以雲氣者鄭注三禮凡言畫者輒以雲氣爲說鄉射記凡畫者丹質喪大記畫荒注云皆爲畫雲氣彫玉者釋器云玉謂之彫又曰彫西夾南嚮敷重筓席注馬融曰筓筓筓鄭康成謂之琢

曰筓析竹青皮也禮記曰如竹箭之有筠元紛純注鄭

康成曰以元組爲之緣漆仍几

疏

西夾者卽九室之右个西南西北皆有

此蓋在西南筓席馬注見釋文云筓筓者說文云筓竹筓也筓楚謂竹皮曰筓是馬以爲竹皮也鄭注見禮器疏云筓析竹青皮者筓俗作筠字今禮器亦作筠鄭所見本當借筓字爲之筓者說文云竹胎也元紛純鄭注見書疏云元組者鄭注司几筵云紛如綬說文云組綬屬則綬亦可言組也漆說文作柰云木汁可以繫物象

形漆如水滴而下此借用
水名漆字也
越玉五重
注馬融曰越玉越地所

獻玉也

疏
越玉馬注見釋文云越地所
獻玉未詳偽傳讀越爲于

陳寶

注
鄭康成

曰陳寶者方有大事以華國也寶一作案赤刀大訓宏

璧琬琰在西序

注

鄭康成曰赤刀者武王誅紂時刀赤

爲飾周正色也大訓者謂禮法先王德教虞書典謨是

也宏大也琬琰皆度尺二寸者

疏

陳寶鄭注見書疏云
大事者謂將有朝諸

侯之事周禮天府職云凡國之玉鎮大寶器藏焉若有
大祭大喪則出而陳之寶說文作案引周書曰陳案赤
刀赤刀已下鄭注見周禮天府疏及書疏云誅紂時刀
者周書克殷解云商辛旣自燔于火武王擊之以輕呂
斬之以黃鉞史記周本紀云以輕劍擊之則武王誅紂
以劍非刀也鄭或別有所本檀弓云周人尙赤是赤爲

周正色也云大訓謂禮法先王德教虞書典謨是者說文云典五帝之書也从冊在冊上尊閣之也云宏大釋詁文云大璧琬琰皆度尺二寸者考工記玉人職云大琬尺有二寸宗后守之則王所世守之大璧自必亦尺二寸琬圭琰圭玉人職皆九寸彼是王使之瑞節此是宗器或較大也

大玉夷玉

注大玉

夷玉一作顙頊**天球**

注

馬融曰夷玉東夷之美玉球玉

磬鄭康成曰大玉華山之球也夷玉東北之珣玕琪也天球雍州所貢之玉色如天者皆璞未見琢治故不以

禮器名之河圖

注

鄭康成曰河圖圖出于河帝王聖者

之所受一有雒書二字在東序

注

序一作杼

疏

大玉鄭

疏云大玉華山之球者禹貢雍州貢球琳琅玕不云出于華山釋地云西南之美者有華山之金石焉不云出

玉鄭說未詳也夷玉天球馬注見釋文云夷玉東夷之
美玉者說與鄭同云球玉磬者說文球玉聲也或作璆
聲字疑當爲磬皐陶謨云鳴球也鄭注見書疏云華山
之珣玕琪者釋地云東方之夷者有醫無閭之珣玕琪
焉鄭言東北者周禮職方氏云東北曰幽州其山曰醫
無閭是可以云東北也說文云珣醫無閭之珣玕琪周
書所謂夷玉也是許鄭馬同義云天球雍州所貢之玉
色如天者蓋卽蒼璧亦未詳云皆璞未見琢治者老子
云璞散則爲器王注云璞者真也案璞字俗从玉爾雅
釋文云璞字又作樸云故不以禮器名之者上文言璧
言琬琰此無器名故却未琢治也云河圖圖出于河帝
王聖者之所受者漢書五行志云劉歆以爲伏羲氏繼
天而王受河圖則而畫之八卦是也鄭不以河圖爲入
卦云帝王聖者之所受者禮運疏引中候握河紀云堯
時受河圖龍銜赤文綠色廣博物志十四引尸子曰禹
理鴻水觀于河見白面長人魚身出曰吾河精也授禹
河圖而還于淵中是不獨伏羲受之也江氏聲說以墨
子非攻篇云天命文王伐殷有國泰顛來賓河出錄圖

宋書符瑞志云周公旦攝政七年與成王觀于河沈璧
禮畢榮光出河青龍臨壇元甲之圖坐之而去周公援
筆寫之則周家世授河圖宜爲祕寶也班固典引云御
東序之祕寶以流其占蔡邕注曰東序牆也尙書曰顓
頊河圖雒書在東序流演也河圖雒書皆存亡之事尙
覽之以演禍福之驗也案蔡氏所引蓋今文尙書也序
作杼者文選王儉褚淵碑文餐東杼之祕寶李奇注云
雒書天准聽曰天球河圖在東杼天球寶器也河圖本
紀圖帝王終始存亡之期典引曰御東序之祕寶然野
當爲杼古序字也案尙書大傳天子賁庸諸侯疏杼注
云杼亦牆也是今文尙書序作杼假借字也是大玉
夷玉一作顓頊河圖一作河圖雒書蔡邕今文也 允

之舞衣大貝鼗鼓在西房兌之戈和之弓垂之竹矢在

東房

注鄭康成曰允也兌也和也垂也皆古人造此物

者之名大貝者書傳曰散宜生之江淮之浦取大貝如

車渠是也鼗鼓大鼓也此鼗非考工記鼗鼓長八尺者

若是周物何須獨寶守明前代之物與周鼗鼓同名耳

疏

允者疑卽允征之允鄭注書序云允臣名垂疑卽舜

其工大貝者殷傳云西伯旣戕耆紂囚之牖里散宜生遂之犬戎氏取美馬駮身朱鬣雞目者之西海之濱取白狐青翰之於陸氏取怪獸大不辟虎狼尾倍其身名曰虞之有參氏取美女之江淮之浦取大貝大如車渠陳于紂之庭紂出見之還而觀之遂遣西伯伐崇是其事也貝大如車渠者考工記注鄭司農云渠謂車轅則車渠謂車輪也大貝旣入于紂又爲周祿寶者武王克殷仍得之是文王所以免難使子孫守之無忘憂患也房者說文云室在傍也夾室蓋左右个則房卽東西室之在明堂大室兩傍者玉藻疏云太廟路寢旣如明堂則路寢之制上有五室不得有房而顧命有東房西房鄭荅趙商云成王崩時在西都文王還豐錫作靈臺辟雍而已其餘猶諸侯制度焉故知此喪禮設衣物有

夾有房也周公攝政制禮作樂乃立明堂於王城案鄭氏此說亦未然古者明堂靈臺辟雍同處靈臺則明堂臺門辟雍則明堂宮垣外四周之水文王既作靈臺辟雍卽有明堂矣鄭注見周禮天府疏云鼗鼓長八尺者釋樂云大鼓謂之鼗考工記云鞀人爲臯陶鼓長八尺鼓四尺中圍加三之一謂之鼗鼓周禮大司馬云諸侯執賁鼓則大輅在賓階面注鄭康成曰大輅玉輅輅一或作賁也

作路賁輅在阼階面注鄭康成曰賁次次在玉路後謂

玉路之貳也先輅在左塾之前注鄭康成曰先路象路

門側之堂謂之塾謂在路門內之西北面與玉路相對

也次輅在右塾之前注馬融曰不陳戎路者兵車非常

故不陳之鄭康成曰象路之貳與玉路之貳相對在門

內之東北面不陳金輅革輅木輅者主於朝祀而已疏
塾者禮運疏引白虎通云所以必有塾何欲以飾門因
取其名也明臣下當見於君必先熟思其事也大路等
鄭注見周禮典路疏云大路玉路者大戴禮朝事篇云
乘大路建大常十有二旒樊纓十有再就周禮巾車職
云王之五路一曰玉路錫樊纓十有再就建大常十有
二旒合証二文大路卽玉路也鄭又以贊爲次謂是玉
路之貳者巾車子玉路貳車無文大戴禮朝事篇云天
子乘大路貳車十有二乘是大路有貳也云先路象路
者周禮巾車職王之五路無先路之名其名惟見于此
及郊特牲鄭于郊特牲無解而以此爲象路者巾車職
云象路以朝此經將有受朝之事當陳象路茲凡四路
大路旣是玉路贊次又皆是副貳之名故推先路以爲
象路但巾車職言象路朱樊纓七就而郊特牲言先路
三就不同者蓋郊特牲言大路繁纓一就亦與巾車職
玉路十有再就不同彼文所言殷制尙質故也云門側
之堂謂之塾者釋宮文考工記匠人有門堂注云門堂

門側之堂引釋宮文以證卽此塾矣塾俗字當爲軌隸
字譌羊爲土或以埤字當之恐未是鄭又以次路爲象
路之貳者次者說文云不前也對先而言則爲副貳之
名云不陳金輅革輅木輅者主于朝祀者見書疏金字
今本誤作象巾車職王之五路玉路以祀金路以賓象
路以朝革路以卽戎木路以田茲大路是玉路賡路爲
其貳先路是象路次路爲其貳則此四路止五路之二
未有金輅革輅木輅蓋此時將祭奠于廟而傳顧命故
陳玉路又將受諸侯朝故陳象路是以鄭云主于朝祀
而已周禮大宗伯職朝于五禮屬賓禮時諸侯受朝則
金路以賓亦宜陳之蓋此時喪中受朝不迎賓無所用
金路也書疏引鄭注云綴次是從後之言二者皆爲副
貳之車先輅是金輅也綴輅是玉輅之貳次輅是金輅
之貳二金輅疑是象輅之誤輅作路者見周禮巾車明
堂位禮器郊
二人雀弁執惠
注鄭康成曰赤黑曰雀言
特性注所引

如爵頭色也雀弁制如冕黑色但無藻耳惠狀蓋斜刃

宜芟刈立于畢門之內四人綦弁注馬融曰駢青黑色

鄭康成曰青黑曰駢詩曰我馬維駢綦一作駢執戈上

刃注鄭康成曰戈卽今之鉤戈戟夾兩階注疏注崔弁者

綦冕篇云士冠經曰周弁殷皐夏收爵何以知指謂其
色周之冠色所以爵何爲周尙赤所以不純赤但如爵
頭何以本制冠者法天天色元者不失其質鄭注見書
疏云赤黑曰雀言如爵頭色者鄭注士冠禮云雀弁者
冕之次其色赤而微黑如雀頭然是也云制如冕黑色
但無藻者周禮弁師王之上五冕皆元冕朱裏延紐五采
藻十有二就皆五采玉十有一玉弁朱紱注云延冕之覆
在上是以名焉組小鼻在武上笄所貫也又云諸公之
藻旒九就又云諸侯及孤卿大夫之冕各以其等爲之
注云侯伯藻七就子男藻五就孤藻四就三命之卿藻
三就再命之大夫藻再就是冕皆有藻也雀弁之制延
紐笄紱皆與冕同惟無藻爲異耳然則冕而無藻卽與

雀弁無異而鄭注弁師又云一命之大夫冕而無旒士
變冕爲雀弁則似無藻之冕仍與雀弁不同者賈氏士
冠禮疏云冕者俛也低前一寸二分故得冕稱雀弁則
無前低後高之制故不得見名說文云弁冕也冕大夫
以上冠也云惠狀云云未詳畢門者鄭司農注周禮閭
人及朝士皆云路門一曰畢門是也綦當作綦說文帛
蒼艾色新修增綦字卽綦別體也綦弁馬注見釋文鄭
注見詩出其東門疏及書疏云青黑曰綦且引詩者說
文云綦馬青驪文如博綦也驪是黑色故鄭云謂綦弁
色如馬綦文也所引詩皇皇者華文詩鴈鳩云其弁伊
騏傳云騏騏文與鄭義同而詩箋乃云騏當作璫以玉
爲之于此又不破騏爲璫者鄭注周禮弁師云韋弁皮
弁侯伯璫飾七子男璫飾五孤則璫飾四三命之卿璫
飾三再命之大夫璫飾二又云士變冕爲爵弁其韋弁
皮弁之會無結飾然則鄭氏之意以大夫以上之弁皆有
璫飾士弁則無有彼詩所稱淑人君子是謂諸侯此
四人是士其弁不得爲璫飾故以綦爲青黑色也知此
四人是士者蓋士無位于堂下又弁皆冕而立于堂廡

之上自是大夫此四人立于堂下又弁而不冕與上文
二人爵弁立于畢門內者皆士也云戈卽今之句子戟
者漢時名戈爲句子戟鄭舉當時之名以況便于曉人
也鄭注周禮序官司戈盾亦云戈今時句子戟祀者廣
雅釋室云祀砌也說文云毘古文
一 人冕執劉立于東
祀从戶蓋堂砌如人之兩頤也

堂一人冕執鉞立于西堂注鄭康成曰劉蓋今鑊斧鉞

大斧序內半以前曰堂疏劉字說文所無而劉瀏以爲

疏云劉今鑊斧者說文云鑊鉞也斧之尖銳者其形未
詳云鉞大斧者說文戊字解也詩公劉疏引太公六韜
云大阿斧重八斤一名大戊則戊大于斧也云序內半
以前曰堂者釋宮云堂東西牆謂之序然則序內皆爲
堂云半已前者對
半以後爲房室也 一人冕執戣立于東垂一人冕執瞿

立于西垂注鄭康成曰戣瞿蓋今三鋒矛疏戣者說文

云周制侍

臣執殲兵也垂者釋詁云疆界邊衛圉垂也則垂是邊蓋堂下之邊也鄭注見書疏云殲瞿蓋今三鋒矛者詩小戎云公矛鏐鏐傳云公三隅矛也鋒卽隅謂三稜也

一人冕執銳立于側階注

鄭康成曰銳矛屬凡此七兵或施矜或著柄周禮戈長

六尺其餘未聞長短之數側階東下階也銳一作銳疏

銳諄字也當從說文作銳云侍臣所執兵也周書曰一人冕執銳讀若允鄭注見書疏云銳矛屬者案說文編字以類相從金部鉞下銳銳下鉞鉞下銳鉞下鉞云鉞小矛也鉞短矛也鉞矛也鉞長矛也則銳列其間亦必矛屬矣云凡此七兵者最括惠戈劉鉞殲瞿銳也云或施矜或施柄者說文云矜矛柄鄭注考工記廬人云凡矜入觚然則搆圉者柄其手握處圉而握不及處爲入觚者矜也云側階東下階者鄭注雜記云側階亦有階也案考工記匠人職說堂九階注云南面三三面各二此云側階蓋在中階之側鄭云東下階者卽中階之

東也 王麻冕黼裳注鄭康成曰麻冕三十升布也黼裳者

冕服有文者也疏

此稱王者白虎通爵篇云天子大斂之後稱王者明士不可一日無君也

故曰尚書王麻冕黼裳此大斂之後也何以知王從死後如王也以尚書言迎子釗不言迎王麻冕者白虎通緋冕篇云纓所以用麻爲之者女功之始亦不忘本也尚書曰王麻冕冕所以以前後遽延者何示進賢退不能也垂旒者示不見邪纒塞耳示不聽讒也故禮玉藻曰十有二旒前後邃延禮器曰天子麻冕朱緣藻垂十有二旒者法四時十二月也諸侯九旒大夫七旒士爵弁無旒鄭注見書疏云麻冕三十升布者孔安國注論語子罕云麻冕緇布冠也古者積麻三十升布以爲之故云麻冕三十升麻之布以爲冕也布言升者所以辨精麤也鄭注喪服傳云布八十縷爲升則三十升凡二千四百縷布之至細者矣凡冠衣之布冠之升數輒倍于衣朝服十五升故冕三十升也云黼裳者冕服有文者周之冕服九章黼當其第八其等衰則自九章以至一

章凡五等天子備有焉據鄭注周禮司服云毳畫虎蜼宗彝也其衣三章裳二章凡五也則此黼裳者是毳冕之裳刺黼黻二章者是有文者也此言

由賓階

齊疏

賓階

有文對下蟻裳形裳皆以色言無文也者西階坊記云子云升自客階弔於賓位教民追孝也注云謂反哭時也既葬矣猶不由阼階不忍卽父位也文王世子云成王幼不能踐阼周公相踐阼而治注云代成王履阼階王位治天下是嗣王乃當踐阼階今升自西階者不忍卽父位也齊俗字當爲躋釋詁云陞也詩朝齊于西傳云齊升是齊卽躋字

卿士邦

君麻冕蟻裳入卽位

注鄭康成曰蟻謂色元也卽位者

卿西面諸侯北面

疏

蟻說文所無當爲蟻檀弓蟻卽于四隅釋文云蟻一作蟻釋蟲云蚍

蜚大螳小者螳卿士邦君入畢門以聽傳顧命也鄭注見書疏云蟻謂色元者夏小正云十有二月元駒賁元駒也者蟻也賁者何也走於地中也方言云蚍蜚西南梁益之間謂之元駒案元者色也云卿西面者謂在中

廷之東諸侯北面者在中廷之南經言太保太史太宗

入卽位不言升階知皆陪位于中廷也

皆麻冕彤裳疏彤者廣雅釋器云赤也詩彤弓傳云彤

纁裳周禮樂人注鄭司農云纁絳也

太保承介圭上宗奉同瑁由阼階隋

注今文同一作銅說爲天子副璽大傳說古者圭必有

冒不敢專達也天子執冒以朝諸侯見則覆之故冒圭

者天子所與諸侯爲瑞也馬融曰同者大同天下鄭康

成曰上宗猶大宗變其文者宗伯之長大宗伯一人與

小宗伯二人凡三人使其上二人也一人奉同一人奉

瑁同酒杯疏

承者詩箋云猶奉也介圭者鎮圭考工記玉人職云鎮圭尺有二寸天子守之釋器

云圭大尺二寸謂之珎詩崇高云錫爾介圭郭氏注爾雅引作珎同者白虎通爵篇作銅吳志注虞翻別傳云今經益金就作銅字詁訓言天子副璽云今經者今文也翻又云雖皆不得猶愈於元是謂今文之說勝于鄭氏也今文以銅爲副璽者說文璽王者印也所以主土从土籀文从玉大傳云湯放桀而歸於亳三千諸侯大會湯取天子之璽置之於天子之坐是殷周已來天子有璽也大傳說古者圭必有冒云云者白虎通文質篇云合符信者謂天子執璽以朝諸侯諸侯執珎以覲天子珎之爲言冒也上有所覆下有所冒也尙書大傳曰天子執珎以朝諸侯又曰諸侯執所受璽與璧朝于天子無過者復得其珎以歸其邦有過者留其珎考工記玉人職云天子執珎四寸以朝諸侯說文云珎諸侯執圭朝天子天子執珎以冒之似犁冠是說此經之義也馬注見吳志注虞翻別傳云太同天下蓋以同珎爲一物珎者義取覆冒天下故爲大同也鄭注見書疏及吳志注虞翻傳云上宗猶太宗變其文者宗伯之長大宗伯一人與小宗伯二人凡三人使其上二人者周禮序

官云乃立春官宗伯使帥其屬而掌邦禮又云禮官之屬大宗伯卿一人小宗伯中大夫二人是宗伯爲春官之長也此則使小宗伯之上一人與大宗伯同事是使其三人之上二人也小宗伯二人爵位同而得差其上二者蓋同等之中自有長次也必知上宗是二人奉是兩手其奉之以兩手奉一物則同琯二物必二人奉之矣且下文王三咤上宗曰饗太保授宗人同明是贊王者大宗伯贊太保者小宗伯也云同酒杯者虞翻別傳云鄭元解尚書遼失事四以顧命康王執琯古月字似同從誤作同旣不覺定復訓爲杯玉人職天子執琯以朝諸侯謂之酒杯誤莫大焉虞意欲以同爲同解經云受曰琯謂月圭者琯以爲一物妄詆鄭氏實非也下文王受同三宿三祭三咤太保受同是同爲酒器俱不可謂之同始知鄭說不可易也江氏聲說同爲圭璜云以挹鬯裸祭者周禮謂之裸圭王氏鳴盛亦云下文太保以異同秉璋以酢則彼同是璋璜矣案同今文作銅銅卽金也白虎通考黜篇云圭璜琯鬯宗廟之盛禮玉以象德金以配情芬香條鬯以通神靈玉飾其本君子

之性金飾其中君子之道君子有黃中通理之道美素德金者精和之至也玉者德美之至也鬯者芬芳之至也君子有玉璫和鬯者以配通德也其至矣

太史秉書

由賓階躋御王冊命

注

鄭康成曰御猶嚮也王此時正

立賓階上少東太史東面于殯西南而讀策書以命王

嗣位之事

疏

秉者釋詁云執也書謂所書顧命之策也鄭注見書疏云御猶嚮者御與訝通訝之

言迎迎則向也云王此時正立賓階上少東者以太史隨而升階將由其西讀策王少東避之曾子問云君薨而世子生三日少師奉子以衰視先子從子升自西階殯前北面祝立于殯東南隅祝聲三曰某之子某從執事敢見此云太史東面于殯西南隅者少儀云詔詞自右曾子問所云是北面而告于殯當在世子之右故立于殯東南隅此則以成王命詔嗣王當立子殯之右故東面于殯西南隅也

曰皇后馮玉几

注馮一作凭道揚末命命汝嗣訓臨君周邦率循大卞

變和天下用荅揚文武之光訓

疏星者釋詁云君也后

謂康王也末者方言云緒也馮者一切經音義十七引
三蒼云依也說文作凭云依几也周書凭玉几讀若馮
卞卽弁省文鄭注士冠禮云卞名出於槃槃大也言所
以自光大也案槃與般通廣雅釋詁云般任也變者釋
詁云和也此太史傳述成王之命命康王馮玉几以聰
道揚緒餘之命卽白虎通爵篇云卽繼體之位也言命
汝嗣守此訓以臨君周國率循大任以和天下以對
揚文武光顯之訓僞傳以王后爲大君成王誤矣

王

再拜興荅曰眇眇予末小子其能而亂四方以敬忌天

威

疏興者釋言云起也眇眇曹大家注幽通賦云微也

亂者釋詁云治也四方者傳云中國也言我微末

小子其何能而治中

乃受同瑁王三宿三祭三咤

注馬

融咤作託鄭康成曰王既對神則一手受同一手受瑁

宿肅也却行曰咤王徐行前三祭又三却復本位

疏白虎

通爵篇云王者既殯而卽繼體之位何緣臣民之心不可一日無君故先君不可得見則後君繼體矣尙書曰王再拜興對乃受銅瑁也明爲繼體君也宿與肅通鄭注少牢饋食禮前宿一日宿戒尸云宿讀爲肅釋詁云肅進也馬氏作託見釋文咤俗字說文作託云奠爵酒也周書曰王三宿三祭三託是奠酒也玉篇云咤本或作吒則卽吒字鄭注見書疏云徐行前日肅者亦以宿爲肅進也却行曰咤未詳饗者江氏聲云勸彊王齊酒也士虞禮云哀薦飴事適爾皇祖某甫饗注云勸彊之也鄭又注特牲饋食禮云饗勸彊之也

太保受同降盥以異同秉璋以酢

疏

盥說文云

者璋瓚祭統云君執圭瓚裸尸大宗伯執皐瓚亞裸郊特牲云灌以圭璋知灌地之璋瓚得單名璋也鄭箋詩

棧樸云祭祀之禮王裸以圭瓚諸臣助之裸以璋以圭璋爲柄杓鬱鬯曰裸璋瓚亞裸既是此太保秉璋則上文王所用以祭之同或卽圭瓚二瓚皆同名殆猶弁冕皆名冠與以酢者謂既獻則自酢也周禮司尊彛職春祠夏禴秋嘗冬烝以及追享朝享于六彝六尊各用其二而其下輒云皆有鬯諸臣之所酢也注云昨讀爲酢字之誤也諸臣獻者酌鬯以自酢異同者臣不敢襲君器王以上宗勸而嘔酒既嘔則以同授太保太保受之以降置于篚盥手而取異同升酌執其柄授宗人以獻則自酢也酢說文本字作醋此假借字

拜王荅拜太保受同祭嘔宅授宗人同拜王荅拜

疏宗人

伯也江氏聲云上文上宗奉同瑁鄭注以爲春官之長大宗伯一人小宗伯二人凡三人使其上二人一人奉同一人奉瑁然則此時堂上有小宗伯一人與大宗伯同在焉自當大宗伯贊王小宗伯贊太保且上言上宗此變文言宗人則自是小宗伯矣爲將拜故授宗人同也王荅拜者燕義云君舉旅于賓及君所賜爵皆降再

拜稽首升成拜明臣禮也君荅拜之禮無不荅明君上
之禮也是其義太保受同受于宗人也嘒者說文云嘗
也引此文鄭注雜記云嘒嘗也嘒至口啐至齒宅疑卽
託說文奠爵酒也鄭氏以爲却却行日咤則是太保受同
祭嘗酒而却退也太保授宗人同以傳
顧命畢王受顧命亦畢又荅拜之也
降江氏聲云降而出應門不言出者于下言入
見之省文也收者蓋太保收策書宗人收同與諸侯出
廟門俟疏謂諸侯卽上文所云卿士邦君入卽位者邦君
侯是外土諸侯餘皆食采畿內皆畿內諸侯矣王制云
天子之縣內諸侯祿也是食采畿內者亦諸侯也廟門
者周本紀云二公率諸侯以太子釗見於先王之廟上
文逆子釗于南門之外則此廟門卽南門也俟者俟王
出視朝也下云王出在應門之內何可分篇馬鄭王出
本自王若日已下乃爲康王之誥蓋本孔氏古文
在應門之內疏應門者釋宮云正門謂之應門禮記疏
引李巡云宮中南嚮大門應門也詩傳

云王之正朝曰應門明堂位云雉門天子應門言魯之雉門比于應門也大保率西方諸侯

入應門左畢公率東方諸侯入應門右疏畢公爲西伯

是時周公已歿矣皆布乘黃朱布乘一作黼黻疏布者廣雅

也乘四馬也詩叔于田云乘乘黃傳云四馬皆黃案古

者車一乘駕四馬故四馬爲乘黃朱者詩于旄疏引鄭

駁異義云尚書顧命諸侯入應門皆布乘黃朱言獻四

黃馬朱鬣也然則鄭注此文亦云然布乘一作黼黻者

白虎通緋冕篇云天子朱緋諸侯赤緋詩云朱緋斯皇

室家君王謂天子也又云赤緋金鳥會同有繹又曰赤

緋在股皆謂諸侯也書曰黼黻衣黃朱緋亦謂諸侯也

別於天子謂之黃朱黃朱亦赤矣是今文布乘作黼黻

解之者以爲衣也布與黼聲相近乘與帶形相近解黃

朱以緋者詩傳云朱芾黃朱芾也于斯干又曰芾者天

子純朱諸侯黃朱漢書韋孟諷諫

詩云黼衣朱黻正用今文說也

賓稱奉圭兼幣疏鄭

康成曰此幣以馬蓋舉王者之後以言耳諸侯當璧以

帛亦有庭實

疏

賓者周禮大宗伯職云以賓禮親邦國謂朝觀宗遇會同天子以賓禮賓諸侯

也大行人職云掌大賓之禮注云大賓要服以內諸侯武氏億云賓古文通作賓賓稱是擯者之辭圭者考工記玉人云命圭九寸謂之桓圭公守之命圭七寸謂之信圭侯守之命圭七寸謂之躬圭伯守之注云命圭者王所命之圭也朝觀執焉居則守之故書或云命圭五寸謂之躬圭也幣者周禮小行人職云合六幣圭以馬璋以皮璧以帛琮以錦琥以繡璜以黼注云六幣所以享也五等諸侯享天子用璧享后用琮其大各如其瑞皆有庭實以馬若皮皮虎豹皮也是說圭幣之事鄭注見書疏云此幣王者之後以言者二王之後謂祀宋位尊故享用圭璋而特之此經言布乘黃朱又稱奉圭兼幣故鄭云此幣圭以馬蓋舉王者之後以言爾云諸侯當璧亦有庭實者觀禮云四享皆束帛加璧庭實惟國所有秋官大行人說朝事云廟中將幣之享彼注既用

觀禮篇文又引大戴朝事篇云奉國地所出重物明臣職也則庭實又在圭馬等物之外故詩韓奕疏備引諸文而申之云三享者初享以馬若皮其餘以國地所有之物分之爲二以備三享今此經文不具故鄭補言之僞傳以圭馬卽庭實非也曰一二臣衛敢執壤奠皆再拜稽首王義

嗣德蒼華

注

鄭康成曰此朝兼享禮也與常禮不同釋

辭者一人其餘奠幣拜者稽首而已

疏

臣衛謂蕃衛壤

物禮器云天不生地不養君子不以爲禮觀禮云庭實惟國所有則此諸侯所執以奠者自是其國土所生之物陳之以爲庭實也奠者鄭注禮記云猶獻也堯典云舜讓于德弗嗣白虎通性情篇云義者宜也義嗣言宜嗣德也春秋文八年秋八月庚戌天王崩九年春毛伯來求金公羊傳曰何以不稱使當喪未君也踰年矣何以謂之未君卽位矣而未稱王也未稱王何以知其卽位以諸侯之踰年卽位亦知天子之踰年卽位也是時

成王崩未踰年康王實未嗣位若真言王荅拜無以異于正卽位者言其宜嗣則未嗣位之意自明鄭注見書疏云釋辭者一人者此時諸侯雖眾但其長一人釋辭不必人人皆釋下文言皆再拜稽首拜言皆則釋辭不皆可知也云此朝兼享禮者覲禮侯氏既朝而出乃後云四享皆束帛加璧又鄭注曲禮云諸侯春見曰朝受贄于朝受享于廟是常禮皆朝而後享不同時並行二事今則入門而朝奉主兼幣庭實俱設是于常禮不同也

大保暨芮伯咸進相揖皆再拜稽首曰敢敬告天子

皇天改大邦殷之命惟周文武誕受注美若注馬融曰美

道也克恤西土

疏

美者說文云進善也美或作誘或作誨古文作美若者釋言云順也言天

改殷之命惟文武大受而善順之能撫恤惟新陟王畢

西土也馬注見釋文云美道者詩傳文

惟新陟王畢

協賞罰戡定厥功用敷遺後人休

疏

陟者釋詁云假陟登陞也曲禮云告

喪曰天王登假是赴告之詞稱天子崩爲登假也釋詁云協服也戰克也敷者說文云敷也引此文言惟新登假之成王盡服其賞罰克定

其功用施于後人以休也

今王敬之哉張皇六師無

壞我高祖寡命

疏

皇者詩傳云大也六師六軍也詩常武云整我六師周禮夏官序官云萬

有二千五百人爲軍王六軍高祖謂文王寡命如康誥乃寡兄勛謂寡有之命言今王敬之哉張大其六軍無毀敗我文王寡有之命魯語展禽曰周人祖文王而宗武王故稱文王爲高祖書疏云馬鄭本此篇自高祖寡命以上內于顧命王若曰以下始爲康王之誥釋文云庶邦侯甸男衛馬本從此以下爲康王之誥又云與顧命差異序歐陽大小夏侯同爲顧命

王若曰庶邦侯甸男衛

誥

史遷說

太子釗遂立是爲康王康王卽位徧告諸侯宣告以文

武之業以申之作康誥歐陽大小夏侯同爲顧命鄭康

成曰獨舉侯甸男衛四服者周公居攝六年制禮班度量至此積三十年再巡守餘六年侯甸男要服正朝要服國遠既事遣之衛服前冬來以王有疾留之

說史公

周本紀云作康誥與上文云作顧命非一篇同書序是古文本與顧命異篇也歐陽大小夏侯同爲顧命者見書釋文以此合于顧命乃符二十九篇之數馬鄭雖分之今用藝文志之目爲注疏并取今古文故不分也依熹平石經般庚三篇爲一之式空格以別之鄭注見詩周頌諸疏云周公居攝六年制禮頒度量者明堂位云周公踐天子之位以治天下六年朝諸侯於明堂制禮作樂頒度量而天下大服是鄭氏所本也云至此積三十年再巡守餘六年者鄭于顧命篇首注云此成王二十八年則自制禮以來至此積三十年矣周禮大行人職云十有二歲王巡守殷國然則二十四年王再巡守三十年則再巡守而餘六年矣云侯甸男要服正朝者

據大行人職侯服歲一見甸服二歲一見男服三歲一見采服四歲一見衛服五歲一見要服六歲一見然則侯服年年朝甸服二歲見者至此六年當三朝要服三歲見者六年則再朝要服六歲見者適當其正朝之期也此時朝者當是侯甸男要四服之諸侯經乃言侯甸男衛不見要服鄭氏推求其故以爲要服國遠既事遣之衛服前冬來以王有疾留之江氏聲謂當周之四月正歲爲春仲要服國遠蓋未至也衛服諸侯應以往年來朝容有往年國中多故不得以惟予一人釗報告疏時至而于是來與說詳合注音疏曲禮疏云顧命成王殞未踰年稱予一人者熊氏云天曲禮疏云顧命成王殞未踰年稱予一人者以麻冕黼裳卽下不可一日無王故也今謂予一人者以麻冕黼裳卽位受顧命從古故暫稱一人也報者鄭注周禮云昔君復之言報也旣稱予一人又稱名亦以米除喪故昔君文武丕平富不務咎底至齊注馬融讀絕句疏釋詁云丕大成也富者鄭注禮記云備也務與豬聲相近大傳云王之不極是謂不建厥咎豬鄭注作霽云冒也則此云

冒咎者干冒災咎也底者釋詁云止也齊者釋言云信中也言文武之道大成備故不干災咎止于至中也

用昭明于天下則亦有熊羆之士不二心之臣保父王

家用端命于上帝

疏

保安久治俱見上疏端者說文云直也直卽正也言周家以信顯明

于天下有如熊羆之勇士純一其心之臣安治王室用正命于天也皇天用訓厥道付畀

四方乃命建侯樹屏在我後之人

疏

訓與順通畀者釋詁云予也屏者釋

言云蔽也在者王氏念孫云謂相顧在春秋左氏襄廿六年傳云衛獻公使讓大叔文子曰吾子獨不在寡人吳語云昔吳伯父不失春秋必率諸侯以顧在余一人卽此在字之義也下文云今予一二伯父尚須暨顧亦謂相顧在也言天用順其道付與今予一二伯父尚胥

暨顧綏爾先公之臣服于先王雖爾身在外乃心罔不

在王室

注

乃一作迺國一作無用奉恤厥若無遺鞠子

羞疏

稱伯父者觀禮云天子呼諸侯之禮同姓大國曰伯父異姓曰伯舅同姓小邦曰叔父異姓曰叔舅

尚者釋言云庶幾尙也胥者釋詁云相也綏字說文本作綏周官夏采以乘車建綏注云綏當爲綏釋詁云綏繼也綏爾先公之臣服于先王當爲一句言繼爾先公之臣服于先王也偽傳讀綏爾先公之臣絕句失之恤者說文云收也若者釋言云善也鞠者釋言云穉也言今子一二同姓庶幾相與顧在我繼爾前人之臣服于先王卽爾身在外爾心無不在王家以奉收其善無遺我穉子羞愧也漢書谷永傳永灾異對引此經乃作迺

罔作

羣公既皆聽命相揖趨出王釋冕反喪服

注

鄭康

成日羣公主謂諸侯與王之三公諸臣亦在焉王釋冕反喪服朝臣諸侯亦反喪服禮喪服臣爲君諸侯爲天

子皆斬衰反喪服一作喪服

疏

白虎通爵篇云緣始終

也故尚書曰王釋冕喪服吉冕受銅稱王以接諸侯明已繼體爲君也釋冕藏銅反喪明未稱王以統事也何休注公羊桓元年傳云先謁宗廟明繼祖也還之朝正君臣之位也事畢而反凶服焉鄭注見書疏云羣公主謂諸侯與王之三公者三公稱公諸侯亦得通稱公是時王朝之臣皆在故又云諸臣亦在焉也云朝臣諸侯亦反喪服者經止言王反喪服故鄭補言之又引喪服證之者喪服篇云斬衰裳直經杖絞帶冠繩纓菅屨者其目首列父其次諸侯爲天子其次君是也

顧命第廿五下終

費誓第廿六 周書十七 尚書今古文注疏卷廿六

賜進士及第授通奉大夫山東督糧道加三級孫星衍撰

注史遷說伯禽卽位之後有管蔡等反也淮夷徐戎亦

並興反於是伯禽率師伐之於盼作盼誓遂平徐戎定

魯費一作盼一作鮮一作獮一作萊

疏史公說見魯世家云伯禽卽位

之後有管蔡等反也淮夷徐戎亦並興反者是以淮夷
徐戎反爲在與管蔡同時魯世家前文亦云於是卒相
成王而使其子伯禽代就封於魯管蔡武庚等果率淮
夷而反周公乃奉成王命興師東伐作大誥周本紀云
召公爲保周公爲師東伐淮夷殘奄又云旣紂殷命襲
淮夷在豐作周官是伯禽先伐淮夷在管蔡以殷畔之
時周公伐淮夷在歸政踐奄之後也但伯禽封魯據洛
誥經文命公後及惟告周公其後則在七年歸政之時

此云卽位之後有管蔡淮夷等反殊不可解史公從安
國問故又用伏生所傳今文故說有岐異後漢書東夷
傳云康王之時肅慎復至後徐戎偕號乃率九夷以伐
宗周西至河上穆王畏其方熾乃分東方諸侯命徐偃
王征之此疑今文說則魯公征徐戎在穆王時故編篇
于顧命後呂刑前也曾子問云子夏問曰三年之喪卒
哭金革之事無辟也者禮與初有司與孔子曰吾聞諸
老聃昔者魯公伯禽有爲爲之也注云伯禽周公子封
于魯有徐戎作難喪卒哭而征之急王事也征之作費
誓疏云伯禽所遭是母喪則在周公未歿之時云伐之
於盼者盼與費聲相近卽今山東費縣地也春秋左氏
隱元年傳云費伯率師城郕卽後爲季氏邑僖元年傳公
賜季氏汶陽之田及費是也亦卽南武城孟子云曾子
居武城有越寇蓋費地在曲阜東南又通沂州府與淮
沂連界故淮徐之國時爲魯難魯公出師至此作誓也
史記集解云徐廣曰一作鮮一作獮索隱云尚書大傳
作鮮誓說文業云惡米也周書有業誓惡米之訓與此
無涉鄭注周禮雍氏及曾子問皆引作業今曾子問注

作費案釋文可證爲後人改也許氏蓋存孔壁古文耳
書堯典疏云孔以費誓在文侯之命後第九十九鄭以
爲在呂刑前第九

十七今從鄭本

公曰嗟人無譁注鄭康成曰人謂軍之士眾及費地之

民聽命徂茲疏

嗟者釋詁云咨嗟也嗟卽說文嗟字譁者一切經音義四引三蒼云言語譎譎

也釋詁云徂往也茲此也魯公咨告軍民以淮夷徐戎

並興疏

淮夷者詩傳云東國在淮浦而夷行也徐者說文作邾云邾下邑也魯東有邾城魯世家頃公

十九年楚伐我取徐州集解引徐廣曰徐州在魯東今
薛縣郡國志云魯國薛縣六國時曰徐州案淮夷毛氏
以爲東國之有夷行者則此徐戎亦徐人之好興戎者
故名之非必戎夷也後漢書東夷傳則云徐戎率九夷
以伐宗周西至河上段氏王裁
云魯東近邾故曰東郊不關
善敕乃甲冑注史遷敕

作陳敵乃干無敢不弔

注

史遷弔作善鄭康成曰敕謂

穿徹之敵猶繫也弔至猶善也

疏

殺者說文云擇也引周書曰殺乃甲冑甲

者書疏引世本云杼作甲宋仲子云少康子杼也冑者說文云兜鍪也兜鍪首鎧也敵者說文云繫連也引周書曰敵乃干讀若矯弔者說文作還云至也史公殺作陳者說文訓殺爲擇夏小正云陳筋革者省兵甲也省亦擇也弔作善者與鄭同鄭注見書疏云殺謂穿徹之者考工記函人職云犀甲七屬兕甲六屬合甲五屬注云屬謂上旅下旅札續之數又韋人職云察其線欲其臧也注杜子春云線謂縫革之縷說文司馬法韋革是甲冑之革必以線縷縫綴之鄭云穿徹卽謂是也云敵猶繫者與說文繫連之訓同云弔至釋詁文云猶善者以下文無敢不善知之案經云弔亦可訓至下云善不必同訓作善說文以簡爲擇言簡擇其甲冑繫連其千盾無敢不弔

備乃弓矢鍛乃戈矛礪乃鋒刃無敢不善

疏

備與甫同說文云具也鍛者廣雅釋詁云惟也礪俗字
當爲厲詩公劉云取厲取鍛傳云鍛石也箋云鍛石所
以爲鍛質也取厲鍛斤斧之石可以利器用鋒者鑠省
字說文鑠兵端也春林左氏昭十二年傳云磨厲以須
今惟淫舍牯牛馬注鄭康成曰牯爲桎牯之牯施牯于

牛馬之腳使不得走失杜乃獲注鄭康成曰山林之田

春始穿地爲穿或設獲其中以遮獸獲柞鄂也杜一作

數斂乃穿無敢傷牯牯之傷汝則有常刑

疏

淫者釋詁云大也舍

者郭注釋詁云放置也牯者說文云牯牛馬牢也引周
書曰今惟牯牛馬無淫舍二字杜說文作斂云閉也讀
若杜獲一曰布獲也穿說文爲阱重文云阱陷也斂說
文云塞也引此文周禮冥氏掌爲阱獲以攻猛獸檻以
捕虎豹穿以捕小獸言今大放舍牢中牛馬宜杜塞穿
獲以放牧之亦無久牯以傷其牲畜傷之則有常法鄭

注見書疏云梏爲桎梏之桎施梏于牛馬之脚使不得走失者易大畜六四童牛之梏鄭注云巽爲木互體震震爲牛之足足在艮體之中艮爲手持木以就足是施梏又鄭志冷剛問大畜六四注云云蒙初六注云云不審桎梏手足定有別否荅曰牛無手以前足當之牛旣如此馬亦可知故云施梏于牛馬之脚使不得走失失與佚通也案軍行以牛載輜重馬駕兵車常駕不舍力不能任故放置之而以橫木閑之說文云告牛觸人角箸橫木所以告人也又云衡牛觸橫大木其角詩曰設其福衡據此則桎謂閑之以木鄭云桎其脚亦此意也云山林之田春始穿地爲穿或設獲其中以遮獸獲柞鄂者周禮雍氏云春令爲阱獲溝瀆之利于民者秋令塞阱獲注云阱穿地爲壑所以禦禽獸其或超踰則陷焉世謂之陷阱獲柞罟也堅地阱淺則設柞罟于其中秋而杜塞阱獲收刈之時爲其陷害人也書棗瞽曰敷乃獲斂乃阱時秋也魯語云鳥獸成設罝鄂注云鄂柞格所以誘獸是也

馬牛其風臣妾逋逃

注

鄭康成曰風走逸臣

妾廝役之屬也

疏

馬牛不相及也服注云風放也杜

相誘謂之風臣妾者古軍中有丁女墨子備城門篇云
守法五十步丈夫十人丁女二十人老小十人計之五
十步四十人周禮太宰九職八日臣妾聚斂疏材書疏
云古人或以婦女從軍是也通者說文云亡也鄭注見
史記集解云風走逸者春秋左氏僖廿八年傳晉中軍
風于澤杜注云牛馬因風而走皆失之是也云臣妾廝
役之屬者公羊宣十二年傳云楚伐鄭廝役扈養死者
數百人何氏注云艾草爲防者曰廝汲水漿者曰役養
馬者曰扈炊烹者曰養古者兵車一乘甲士三八
步卒七十二人外有餘子二十五人卽廝役也

勿敢

越逐祗復之

注

史遷祗作敬一作振我商賚汝乃越逐

不復汝則有常刑

疏

說文云越逾也逐追也祗者釋詁

云敬也商釋文云徐音章鄭注士
冠禮云章明也賚者釋詁云賜也言馬牛臣妾有逸逃
者勿逾次追之以致失律有得之者能敬復其主我明

賜汝汝逾次追逐及得之不返者皆有罪罰史公祇作敬者釋詁文集解引徐廣曰敬一作振祇振聲之輕重臯陶謨祇敬六無敢寇攘注鄭康成曰寇劫取也因其德史記作振敬

亡失曰攘踰垣牆竊馬牛誘臣妾汝則有常刑疏寇者

舜典云強取爲寇攘者論語其父攘羊周氏注云有因而盜曰攘釋詁云攘因也攘俗字誘者鄭注樂記云引

也廣雅釋言云羞致甲戌我惟征徐戎時乃糗糧注史也鄭注見史記集解

遷乃作爾糗糧一作餼糧無敢不逮汝則有大刑注馬

融曰大刑死刑疏時从止俗誤从山釋詁云時其也糗

及與也糗一作餼者說文云餼乾食也周書曰時乃餼注穰案說文無穰字疑當爲糧以糗爲餼者說文云餼餼也陳楚之間相謁食麥飯曰糗是糗爲熬米襍麥乾而食之義得通也詩伐木云乾餼以愆史公汝作爾者爾

汝通字馬注見史記集解以大刑爲死刑者死刑大辟是也

晉人三郊三遂注史遷

遂作隧大傳說古者百里之國三十里之遂二十里之

郊七十里之國二十里之遂九里之郊五十里之國九

里之遂三里之郊

疏

言三郊三遂王肅謂東郊留守故不言四江氏聲用其說非也郊者釋

地云邑外謂之郊鄭注王制云郊鄉界之外者也郊者釋鄭注王制云遠郊之外曰遂周禮夏官大司馬云凡制軍大國三軍晉是大國宜爲三軍小司徒疏云凡出軍之法先六鄉賦不止次出六遂賦猶不止徵兵于公邑及三等采賦猶不止乃徵兵于諸侯大國三軍次國二軍小國一軍此軍等皆出于鄉遂賦猶不止則諸侯有徧境之法則千乘之賦是也春秋左氏成元年疏云天子六軍出自六鄉大國三軍出自三鄉其餘公邑采地之民不在三軍之數古者用兵天子先用鄉鄉不足取遂遂不足取公卿采邑及諸侯邦國若諸侯出兵先盡

三鄉三遂鄉遂不足然後總徵境內之兵今此淮夷徐戎兩寇並發其勢甚急故悉起鄉遂之兵應之然猶不至總徵境內也史公遂作隧者隧卽隴省文大傳說見王制疏引尚書傳云多士傳周禮典疏云毋逸傳皆誤引也魯國百里則郊當在二

時乃楨榦

注馬融曰楨榦

皆築具楨在前榦在兩旁甲戌我惟築無敢不供

疏

者楨

釋詁云榦也舍人注云楨正也築牆所立兩木也榦所以當牆兩邊障土者說文云榦築牆耑木也築擣也馬注見史記集解云楨在前榦在兩旁者凡築牆及城必立木兩旁以繩束板又置木于其兩首乃取土實築之是楨爲兩首之木榦則兩旁之木也說文云築牆耑木義亦同汝則有無餘刑非殺

注

鄭康成曰無餘刑非殺者謂盡奴其妻子不遺其種類在軍使給廩役反則入于罪隸春稟不殺之

疏

鄭注見書疏云

盡奴其妻子不遺其種類者以無餘刑故言盡奴不遺也云在軍使給廩役反則入于罪隸春槩者周禮司厲職云其奴男子入于罪隸女子入于春槩注鄭司農云謂坐爲盜賊而爲奴者輸于罪隸春人槩人之官也周禮又云凡七十者與未齒者不爲奴則此無餘刑亦有不爲奴之人言其大畧耳云不殺之者不供槓榦法無死刑

死

魯人三郊三遂時乃芻菱無敢不多

注史遷多作及

鄭康成曰菱乾芻也汝則有大刑

疏

芻菱者說文云芻刈艸也菱乾芻史

公作時乃芻菱煨糧槓榦無敢不逮我甲戌築而征徐戎無敢不及有大刑則此不及蓋不多之異文也芻菱不至牛馬不得食不可以戰故有大刑若及而不多不應云大刑也當從史記多字與及相似而誤鄭注見書疏

費誓第廿六終